

نبض القلم...

لما جيت أكتب قصايد
علموني وزن الكلام
فهموني معني القوافي
درسولي عروض تمام
عرفوني معني الجناس
والسجع جوة الكلام
وكل تشبيه بليغ
بضرب له تعظيم سلام
والتضاد والمعاني
والتنوع ده انسجام
علموني أقرأ ياما
واهتميت بالعلام
دا رثاء ودا هجاء
وده حب وعشق وغرام
فهموني ليه الأحبة
سهرانة ومش بتنام
عرفوني معني الشوق

بتاع كلام



ومعني الهجر والخصام
وقالولي أوعي تكتب
أي حاجه والسلام
خليك دايمًا مميز
خليك علي طول همام
ونقي مواضيع بحرفة
حاجة خاصة ولاً عام
خلي دايمًا حروف كلامك
ليها عطر علي الدوام
ومنشوراتك اللي بتبعها
ياريت تحظي باهتمام
رديت وقلت بصوت عالي
كفاية بقي تعبت حرام
أقسم بالله .. كل حاجة بتتبع
بيعاملوها... باحترام
وعجبي...!!

